

四

診

抉

微

四診扶微卷之四

烏程林之翰憲百父

別字慎菴纂述

切診

原脉體用

見後附餘

脉取寸口之義

經脉別論曰食氣入胃經氣歸於肺肺朝百脉氣歸於權衡權衡以平氣口成寸以決死生

營衛生會篇云人食氣於穀穀入於胃以傳於肺五藏六府皆以受氣其清者爲營濁者爲衛營行脉中衛行脉外

難經云寸口者脉之大會。手太陰之動脉也。

慎菴按人之藏府氣血經脉骨髓皆有所會。名曰入會。面脉之大會在於太淵。即手太陰動脉在掌中。

吳草廬曰寸關尺輒名心脉肺脉肝脉脾脉腎脉者非也。此手太陰肺經之動脉。分其部以候他藏之氣耳。李時珍曰非五藏六府所居之處也。脉行始於肺終於肝而復會於肺。肺爲氣所出入之門戶故名曰氣口。而爲脈之大會以占一身焉。

釋寸口氣口脉口

張景岳曰愚按寸口氣口脉口之義歷考經文乃統

兩手而言非獨指兩寸爲寸口右手爲氣口也。肺主諸氣氣之盛衰見於此故曰氣口。肺朝百脉脉之大會聚於此故曰脉口。脉出太淵其長一寸九分故曰寸口。是名雖三而實則手太陰肺經一脉也。王叔和未詳經旨突謂左爲人迎右爲氣口左手寸口人迎以前右手寸口氣口以前等說以致後人俱指兩寸爲寸口右關爲氣口而不復知統兩手而言矣。自晉及今以訛傳訛莫可解救也。旗菴按張仲景傷寒論金匱要略中所言寸口皆統三部而言亦未嘗專指寸脉而言也。張說爲是析寸關尺。

二難曰從關至尺是尺內陰之所治也。從關至魚際
是寸口內陽之所治也。然則關之前曰寸。關之後
曰尺。而所謂關者。乃間於尺寸之間。而爲陰陽之
界限。正當掌後高骨處是也。

滑伯仁曰。手太陰之脈由中焦出行一路。直至兩手
大指之端。其魚際後一寸九分。通謂之寸。曰於一
寸九分之中。曰寸。曰尺。而關在其中矣。其所以云
尺寸者。以內外本末對待爲言。而分其名也。

蔡氏云。自肘中至魚際得同身寸之一尺一寸。自肘
前一尺爲陰之位。魚際後一寸爲陽之位。大陰動

脉前不及魚際橫紋一分。後不及肘中橫紋九分。
故古人於寸內取九分。爲寸。尺內取一寸。爲尺。以
契陽九陰十之數。

脉經曰。陽出陰入。以關爲界。陽出三分。陰入三分。故
曰三陰三陽。陽生於尺。動於寸。陰生於寸。動於尺。
寸主射上焦。頭及皮毛。竟手關。主射中焦。腹及腰。
尺主射下焦。少腹至足。

三部九候

三部九候論云。人有三部。部有三候。以決死生。以調
虛實。而除邪疾。上部天。兩額之動脉。當額脈之分
足少陽脉氣

所行也。上部地兩頰之動脉。即地倉大迎之分足

上部人耳前之動脉。即和髻之分手。中部天手

太陰也。掌後寸口動脉所行也。中部地手陽明

也。手大指次指岐骨間動脉合。中部人手少陰

也。掌後銳骨下動脉神門。下部天足厥陰也。氣

下三寸動脉五里之分肝經脉氣所行也。而取

之女子取大衝在足大指本節後二寸陷中是也。

下部地足少陰也。內踝後跟骨傍動脉太。下部

人足太陰也。魚腹上越筋間動脉直五里下箕門

胃氣欲候者當取。故下部之天以候肝地以候腎

足跗上之衝陽。人以候脾胃之氣中部天以候肺地以候胸中之

氣人以候心。上部天以候頭角之氣。地以候口齒
之氣。人以候耳目之氣。三而三之。合則爲九。九分
爲九野。九野爲九藏。故神藏五。形藏四。合爲九藏。
神藏五。以五藏藏神。故曰神藏。形藏四。即頭角耳目口齒。胸中共爲九藏。

按此上古三部九候診法。以人身上中
下三停分三部。三而三之。合爲九候也。

十八難曰。脉有三部九候。然三部者。寸關尺也。九候
者。浮中沉也。上部法天。主胸已上至頭之有疾也。
中部法人。主膈下至臍之有疾也。尺爲下部法而
應乎地。主臍以下至足之有疾也。審而刺之者也。
按此越人專以寸口寸關尺爲三部。三部俱有浮
中沉之三候。三而三之。合成九也。今人之所遵守。

者以其動靜不
復知有古法矣

附十二經動脉

手太陰肺脉動中府雲門天府俠白

手陽明大腸脉動合谷陽谿

足陽明胃脉動衝陽

在足大指次指陷中為內庭上
內庭五寸是即仲景所謂跌陽

脈是也

足太陰脾脉動箕門衝門

在期門下
尺五寸

手少陰心脉動極泉

臂內腋
下筋間

手太陽小腸脉動天窗

在頸側大筋
間曲頰下

足太陽膀胱脉動委中

在膝
後

足少陰腎脈動太強

在跟後

手厥陰心包絡動勞宮

在掌中屈中指盡處

手少陽三焦脈動禾醪

在耳前

足少陽膽脈動聽會

在耳前陷中

足厥陰肝脈動太衝五里陰廉

六部藏府分屬定位

脉要精微論云尺內兩旁則季脇也尺外以候腎尺

裏以候腹中附上

言附尺之上而居中也即關脉也

左外以候肝

內以候鬲右外以候胃內以候脾上附上

言上而

寸脈也

右外以候肺內以候胃中左外以候心內以

候膺中。

即心包絡

前以候前。後以候後。上竟上者。胸喉

中事也。下竟下者。少腹。膝。股。膝。脛。足。中事也。

李士材曰。內經出胸腹膈三字。配寸關尺。府不及

膽者。寄于肝也。不及大腸小腸膀胱者。統于腹中也。

張路玉曰。寸關分左右尺。獨不分者。一皆主乎腎也。腎爲先天一氣之始。故首言也。

徐春甫曰。內外每部有前後半部之分也。脉之上

至應前半部爲外。脉之下至應後半部爲內。

一指前後

分內概而言之。藏府近背之陽位者。以前半部候

之近腹之陰位者。以候半部候之。

張景岳曰。觀易卦六爻。凡畫卦者。自下而上。上三爻爲外卦。下三爻爲內卦。則其上下內外之義。明矣。又有以浮取爲外。沉取爲內。於義亦通。

滑伯仁曰。左尺主小腸膀胱前陰之病。右尺主大腸後陰之病。

靈樞曰。宗氣出于上焦。營氣出于中焦。衛氣出于下焦。上焦在于膻中。中焦在于中脘。下焦在于臍下。陰交故寸主上焦。以候胸中。關主中焦。以候臍中。尺主下焦。以候腹中。此定診也。此三焦分診於寸關尺也。

慎菴按以上診法五臟定位出於素問三焦包羅
乎五臟六腑之外是一大府故經名孤府當依上
中下分診於寸關尺此從靈樞也腹中即心包絡
經云諸邪之在於心也皆在於心之包絡是代心
受邪之藏是即心也故素問首及之而診同於左
寸命門在十四椎之下下至上在七椎之上界乎
兩腎之中正當上下左右之中其位象極名爲丹
田是先天真陽之窟宅而爲腎經之輪穴故候右
尺之元陽即所以候命門也至於六府經文首揭
胃府餘俱略而不言但以胸膈腹三字該之者以
胃爲十二經脈之化原五臟六腑皆稟氣於胃顧
胃府於諸經豈不重而且大乎此皆本之於內經
爲診家之定法歷萬世而不移易者也餘大小腸
膽與膀胱四經部位未經內經指明致起後世之
疑議者紛紛不一以應屬木而附於肝分屬左關
同診膀胱與腎俱屬木分診於左尺至大小腸二
府或從兩寸或從兩尺未有定診余著
有疑一則附見于後就有道者正焉

存疑

附見後

下指法

盧子由曰。診法多端。全馮指法捷取。蓋人之中指上兩節長。無名食指上兩節短。參差下齊。若按尺排指。疎則踰越一寸九分之定位。排指密。又不及寸。關尺之盼分齊。截三指斯中。指翹出而節節相對。節無不轉。轉無不活。此別左右分表裏。推內外。悉五層候。浮中沉。此三指法也。以中指並齊食指去。無名指以中指並齊無名指去。食指亦節無不轉。此衡寸口。權尺中。齊上下。推下上。推上下。均前後。兩指法也。至若左人迎。右氣口。候十二藏府定位。

如以右食指切左寸藏心府小腸右中指切左關
藏肝府膽右無名指切左尺藏腎府膀胱如以左
食指切右寸藏肺府大腸左中指切右關藏脾府
胃左無名指切右尺藏命門府三焦此遺古診惟
依此當遵
前條經文咸用指端舉按別藏別府此單指法也
雖可三指並齊及其定位專指舉按固得其真不
若獨指之無牽帶別有低昂也第惟食指肉薄而
靈中指則厚無名指更厚且木是必指端稜起如
線者名曰指目以按脉中之脊無論洪大弦革卽
小細絲微咸有脊焉真如目之視物妍醜具故

古人稱診脈曰看脈。可想見其取用矣。每見持指
甲之修長。用指厚肉分。或指節之下。以馮診視者。
真不啻目生頸腋胸脇間矣。

下指有輕重

五難曰。脈有輕重。何謂也。然初持脈。如三菽。豆之重。
與皮毛相得者。肺部也。如六菽之重。與血脉相得
者。心部也。如九菽之重。與肌肉相得者。脾部也。如
十二菽之重。與筋平者。肝部也。按之至骨。舉指來
疾者。腎部也。故曰輕重也。

滑伯仁曰。取脈之要。有三。曰舉。曰按。曰尋。輕手循

之曰舉重手取之曰按不輕不重委曲求之曰尋
初持脉輕手按之脉見皮膚之間者陽也府也亦
心肺之應也重手按之附於肉下近於筋骨間陰
也藏也亦腎肝之應也不輕不重中而候之其脉
得於肌肉間者陰陽相通中和之象脾胃之應也
若浮中沉之不見則委曲而求之所謂尋也若隱
若見則陰陽伏匿之脉也三部皆然一云舉必先
按之按則必
先舉之以舉物必自下而
上按物必自上而下也

診視大法

脉要精微論云診法常以平旦陰氣未動陽氣未散

飲食未進。經脈未盛。絡脈調勻。氣血未亂。故乃可
診。有過之脈。脈不得中而有過失也。

凡診先以三指齊按。所以察其大綱。如陰陽表裏。
統體而言。上下來去。長短溢脈。覆脈之類。是也。後以逐
指單按。所以察其部分。每部下指。先定經脈。時脈。
以審胃氣。分表裏寒熱虛實。辨氣分血分。陰陽盛
衰。藏府所屬。浮候中候沉候。以消息之。斷病何部。
異於衆脈。便屬此部有病。候其盛衰之極者。以決
之。在上上病。在下下病。左曰左病。右曰右病。
平人氣象論云。持脈有道。虛靜爲保。以脈之理微。非

靜心神忘外慮均呼吸不能得也。故人之息未定不可以診。已之息未定亦不可以診。夫意逐物移念隨事亂。謂能察認隱微有是理乎。故必虛其心靜其志。纖微無間而診道斯爲全矣。保不失也。

七診

三部九候論云。察九候。獨小者病。獨大者病。獨疾者病。獨遲者病。獨熱者病。獨寒者病。張註云。謂其或在表或在裏。在上或在下。或起也。獨陷下者病。沉伏不起也。

舉要云。脉有七診。曰浮中沉上下左右。消息求尋。浮以候表。沉以候裏。中以候胃氣。上下即寸與尺。此概兩手六部而言也。左右左手右手也。一說上

下左右即脉要精微論所云左外以候心右外以候肺上竟上者胸喉中事也下竟下者少腹腰股膝脛足中事也此節與前診視大法參看

脉審上下來去

脉要精微論云上盛寸部則氣高邪壅於上下盛關尺則氣沉邪壅於下

則氣脹來疾去徐上實下虛爲厥顛疾陽厥顛疾來

徐去疾上虛下實爲惡風也故中惡風者陽氣

受也上下皆指寸尺言下惡字入聲

張仲景曰初持法來疾去遲此出疾入遲名曰內

虛外實也初持脉來遲去疾此出遲入疾名曰內

實外虛也

滑伯仁曰。脉有上下來去至止。不明此六字。則陰陽虛實不別也。上者爲陽。來者爲陽。至者爲陽。下者爲陰。去者爲陰。止者爲陰。上者自尺部上於寸口。陽生於陰也。下者自寸口下於尺部。陰生於陽也。來者自骨肉之分。而出於皮膚之際。氣之升也。去者自皮膚之際。而還於骨肉之分。氣之降也。應曰至息曰止也。

吳鶴皋曰。脉有上下。是陰陽相生病。雖重不死。脉有來去。是表裏交泰。病雖重必起。脉無上下來去。死無日矣。

汪子良曰。來以候外。去以候內。來實去虛。主病在
外。來小去大。主病在內。

推求上下內外察病法

脉要精微論云。推而外之。內而不外。有心腹積也。

張註云。推音吹。諸釋作推動之推者。非也。此言察
病之法。當推求於脉。以決其疑似也。凡病若在表。
而欲求之於外矣。然脉則沉遲不浮。是在內而非
外。故知其心腹之有積也。

推而內之。外而不內。身有熱也。

張云。凡病若在裏。而欲推求於內矣。然脉則浮數。

不沉是在外而非內矣。故知其身之有熱也。推而上之上而不下。腰足清也。

張云。凡推求於上部。然脉止見於上。而下部則弱。此以有升無降。上實下虛。故腰足爲之清冷也。推而下之下而不上。頭項痛也。

張云。凡推求於下部。然脉止見於下。而上部則虧。此以有降無升。清陽不能上達。故爲頭項痛也。或以陽虛而陰湊之。亦爲頭項痛。

按之至骨。脉氣少者。腰脊痛而身有痺也。

張云。按之至骨。沉陰勝也。脉氣少者。氣血衰也。正

氣衰而陰氣盛故爲是病。

因形氣以定診

彙辨云人之形體各有不同。則脉之來去因之亦異。不可執一說以概病情也。何則。肥盛之人氣居於表。六脉常帶浮洪。瘦小之人氣斂於中。六脉常帶沉數。性急之人五至方爲平脉。性緩之人四至便作熱證。此句未妥。亦須合症而診。身長之人下指宜疎。身短之人下指宜密。北方之人每見實強。南方之人恒多軟弱。少壯之人脉多大。老年之人脉多虛。醉後之脉常數。飲後之脉常洪。室女尼姑多濡弱。嬰兒之

脉常七至。故經曰。形氣相得者生。三五不調者死。更有說焉。肥盛人。雖曰浮洪。是其常。使肌肉過於堅厚。則其脈來勢不能直達於皮膚。反欲重按。乃見。徒守浮洪之說。以輕手取之。則模糊細小。竟不能測。瘦小之人。雖曰沉數。是其常。使肌肉過於淺薄。則其脈來。卽呈於皮膚。反可浮取而知。性急之人。脉數是其常。當從容無事。亦近舒徐。性緩之人。脉遲是其常。值倥傯多冗。亦隨急數。北人脉強。是其常。或累世膏粱。或母係南產。亦未必無軟弱之形。南人脉弱。是其常。或先天稟足。或習耐勞苦。亦

間有實強之狀。少壯脉大是其常。天促者多見虛。
細。老年脉虛是其常。期頤者更爲沉實。室女尼姑。
濡弱者是其常。或境遇優游。襟懷恬淡。脉來亦定。
冲和。嬰兒氣稟純陽。急數者是其常。或質弱帶寒。
脉來亦多遲慢。以此類推。則人固有一定之形氣。
形氣之中。又必隨地轉移。方能盡言外之妙也。

脉審陰陽順逆

平人氣象論有云。脉從陰陽。病易已。脉逆陰陽。病難
已。

約註云。春夏洪大爲順。沉細爲逆。秋冬沉細爲順。

洪大爲逆。男子左大爲順。女子右大爲順。凡外感症。陽病見陽脈爲順。陽病見陰脈爲逆。陰病見陽脈亦爲順。內傷症。陽病見陽脈爲順。陽病見陰脈爲逆。陰病見陰脈爲順。陰病見陽脈爲逆也。

靈樞動輸篇云。陽病而陽脈小者爲逆。陰病而陰脈大者爲逆。

約註云。陽症脈宜浮。大小爲陽症。見陰脈陰症脈宜沉。細大爲陰症。見陽脈。

張路玉曰。陰陽死生之大端。不出大浮數動滑爲陽。沉瀉弱弦微爲陰之總綱。仲景言。傷寒陰病見陽。

厥者生陽病見陰脈者死。可以推卒病之逆順。亦可廣諸病之死生。

孫對微曰。陰根於陽。陽根於陰。表屬陽。以活動爲性。體而有靜。順之。陰在內。裏屬陰。以靜順爲性。體而有活動之陽在中。乃相候倚也。若表脈惟散。尖洪大。裏脈惟寒遲細小。乃陰陽不相和各盛於本位。當收斂表陽。使根於內。溫和裏陰。使根於外。有表牆下而裏冲上者。在外爲陽氣不升。在內爲陰火冲發。有表寒清而裏洪數者。此陰乘陽。陽乘陰也。又云。尖數在下而不見平闊之體。此陽極也。

當下之平潤在上而不見尖數之體此陰勝也當升之。

脉有五逆

靈樞玉版篇云。諸病皆有逆順。腹脹身熱。脉大是一逆也。腹鳴而滿。四肢清冷。泄其脉大是二逆也。衄而不止。脉大是三逆也。皆為陰症。見陽脉。咳且溲。小便脫。形其脉小勁。小不是四逆也。欬脫形身熱。脉小以疾。小不是謂五逆也。如是者。不過十五日而死矣。其腹大脹。四末清。脫形泄甚。是一逆也。腹脹便血。其脉大時絕。是二逆也。欬上。溲血。下形肉脫。外脉。

搏內是三逆也。嘔血胸滿引背脉小而疾。虛而火盛是四逆也。欬嘔。上腹脹中且餐泄下其脉絕是五逆也。如是者不過一時而死矣。

靈樞五禁篇云何謂五逆。熱病脈靜。陽症見汗已出

脉盛躁。病不為汗衰是一逆也。病泄脉洪大是二逆也。

着痺不移。腠肉破身熱脉偏絕是三逆也。淫而奪

形身熱色天然白及後下血。血凝血衄重篤是四

逆也。寒熱奪形脉堅搏。真藏脉見是謂五逆也。

四塞脉

至真要大論云春不沉夏不弦冬不濇秋不數是謂

四塞

吳註云言脉雖待時而至。若春至而全無冬脉。夏至而全無春脉。已雖專王。而早絕其母氣。是五藏不相貫通也。

又曰。參見曰病。復見曰病。未去而去曰病。去而不去曰病。

吳註云。一部而參見諸部。此乘侮交至也。既見于本部。復見于他部。此淫氣太過也。未去而去。爲本氣不足。來氣有餘。去而不去。爲本氣有餘。來氣不足。王註復見。謂再見已衰已死之氣也。

脈貴有神

李東垣曰。脈之不病。其神不言。當自有也。脈既病。當求其中神之有與無焉。如六數七極。熱也。脈中有。力。卽有神也。三遲二敗。寒也。脈中有力。卽有神也。熱而有神。當泄其熱。則神在焉。寒而有神。當去其寒。則神在矣。寒熱之脈。無力無神。將何恃而泄熱去寒乎。苟不知此。而遽泄之去之。將何依以生。所以十亡八九。故經曰。脈者血氣之先。血氣者人之神。可以不謹養乎。可不察其有無乎。

按東垣此論。深達至理。但以有力二字言有神。恐

不足盡有神之妙。王執中曰：有神者有力，中帶光澤潤滑也。於解進矣。蕭子顯歌云：輕清穩厚肌肉。裏不雜中部象自然，則又有進焉。

脉貴有根

難經曰：上部有脉，下部無脉，其人當吐，不吐者死。胸中有物填塞，故吐之則愈。若上部無脉，下部有脉，雖無物可吐，則陰絕于下也。因無能爲害，所以然者，人之有尺，譬如草之有根，皮葉雖枯槁，根本將自生。木有根本，人有元氣，故知不死。

八難曰：寸口脉平而死者，何謂也？然諸十二經脉皆

係於生氣之原。所謂生氣之原者。謂十二經之根本也。謂腎間動氣也。此五藏六府之本。十二經脉之根。呼吸之門。三焦之原。一名守邪之神。言其能本育氣固形。使諸邪不能傷其身。守其內而衛其外者也。故云。故氣者。人之根本也。根絕則莖葉枯矣。寸口脉平而死者。生氣獨絕於內也。

脉無根有二說

氣辨云。一以尺中爲根。叔和云。寸關雖無。尺猶不絕。如此之流。何憂殞滅。蓋因其有根也。若腎脉獨敗。是無根矣。安望其發生乎。一以沉候爲根。經曰。諸

浮脈無根者皆死。是爲有表無裏。孤陽不生。蓋陰陽互爲其根。使陰既絕矣。孤陽豈能獨存乎。尺爲腎部。而沉候之六脈皆腎也。滑氏曰。沉候亦要知腎肝之應。見前。兩尺之無根。與沉取之無根。總屬腎水涸絕。而無資始之原。宜乎病之重困矣。

浮中沉候五藏說

王宗正曰。診脈之法。當從心肺俱浮。肝腎俱沉。脾在中州。則與叔和之守寸關尺寄位以候五藏六府之脈者。不大相徑庭乎。豈知宗正亦從經文。諸浮脈無根者。皆死之句。悟入。遂謂本乎天者。親上本。

乎地者親下。心肺居於至高之分。故應乎浮。肝腎
處乎至陰之位。故應乎沉。脾胃在中。故以中候候
之。然能與叔和之法參而用之。正有相成之妙。

診足

脈衝陽太極
太衝三脈

葉辨云。凡傷寒危迫。手脈難明。須察足脈。不知者競
相譁笑。予請陳其說焉。經曰。治病必先求本。本之
爲言根也。源也。而本有先後天之辨。先天之本在
腎。而太谿一穴在足內踝後五分。跟骨上動脈陷
中。此足少陰所注爲膕地也。後天之本在脾。而衝
陽一穴在足趺上五寸。高骨間動脈去陷谷二寸。

此足陽明所過爲原之地也。診太谿以察腎氣之盛衰。診衝陽以審胃氣之有無。兩脉旣在他脉。可勿問也。婦人則又獨重太衝者。太衝應肝。在足指本節後二寸陷中。蓋肝者東方木也。生物之始。又婦人主血。而肝爲血海。此脉不衰。則生生之機。猶可望也。

脉以胃氣爲本

玉機真藏論云。脉弱以滑。是有胃氣。

終始篇云。邪氣來也緊而疾。穀氣來也徐而和。是皆胃氣

謂之

張景岳曰大和脉代時宜無太過無不及自有一種雍容和緩之狀便是胃氣之脉

平人氣象論曰春胃微弦曰平弦多胃少曰肝病但弦無胃曰死胃而有毛曰秋病毛甚曰今病夏胃微鉤曰平鉤多胃少曰心病但鉤無胃曰死胃而有石曰冬病石甚曰今病長夏胃微英弱曰平弱多胃少曰脾病但代無胃曰死英弱有石曰冬病石甚曰今病秋胃微毛曰平毛多胃少曰肺病但毛無胃曰死毛而有弦曰春病弦甚曰今病冬胃微石曰平石多胃少曰腎病但石無胃曰死石而

有鈞曰夏病鈞甚曰今病

秋病至秋而病以胃尚存今病即病也無胃氣

故也餘
做此

玉機真藏論云胃者五藏之本藏氣不能自致於手

太陰必因於胃氣乃致於手太陰也

無胃者非無胃也邪奪之

也邪奪之則胃不
至而真藏反至也

凡脉緩而和勻不浮不沉不大不小不疾不徐不

長不短應手中和意思欣欣悠悠揚揚難以名狀

者此真胃氣脉也

盛啟東曰舉按堅強搏擊有力或微渺在骨按不

可得胃氣絕也

朱改之曰。脉從肝者。按之柔和微弱者。按之應指。便是胃氣。合微弦微鈞以觀自得之矣。

五藏平脉

心脉浮大而散。心合血脉。心隨血脉而行。持脉如六菽之重。按至血脉而得者。爲浮。稍稍加力。脉道粗者。爲大。又稍加力。脉道潤濡者。爲散。肺脉浮濇而短。肺合皮毛。肺脉循皮毛而行。持脉如三菽之重。按至皮毛而得者。爲浮。稍稍加力。脉道不利。爲濇。又稍加力。不及本位。曰短。肝脉弦而長。肝合筋。肝脉循筋而行。持脉如十二菽之重。按至筋。脉道如

箏弦爲弦。次稍加力。脉道迢迢者。爲長。脾脈緩而大。脾合肌肉。脾脉循肌肉而行。持脉如九菽之重。按至肌肉。如輕風微揚柳。稍爲緩。稍稍加力。脉道敦實者。爲大。腎脉沉而栗。滑腎合骨。腎脉循骨而行。按至骨而得者。爲沉。次重按之。脉道無力爲軟。舉指來疾流利者。爲滑。

滑伯仁曰。此五藏平脉。要須察之。久久成熟。一遇病脉。自然可曉。經曰。先識經脉。而後識病脉。此之謂也。

時脉

玉機真藏論曰。春脉者肝也。東方木也。萬物之所以始生也。其氣來。更弱輕虛而滑。端直以長。故曰弦。反此者病。其氣來實而強。此爲太過。病在外。其氣來不實而微。此謂不及。病在中。太過則善怒。忽忽眩冒而顛疾。不及則胃痛引背。下則兩脇脹滿。怒怒不寒也。眩目視如轉也。眩音區。厥下脇也。夏脉者心也。南方火也。萬物之所以盛長也。其氣來盛去衰。故曰鉤。反此者病。其氣來盛去亦盛。此爲太過。病在外。其氣來不盛去反盛。此爲不及。病在中。太過則身熱膚痛。爲浸淫。不及則煩心。上見欬唾。下爲氣泄。秋脉者

肺也。西方金也。萬物之所以收成也。其氣來輕虛。以浮來急去散。故曰浮。反此者病。其氣來毛而中央堅。兩旁虛。此爲太過。病在外。其氣來毛而微。此爲不及。病在中。太過則氣逆而背痛。不及則喘。呼吸少氣而欬。上氣見血。下聞病音。冬脈者腎也。北方水也。萬物之所以合藏也。其氣來沉而搏。故曰營。反此者病。其氣如彈石者。此爲太過。病在外。其去如數者。此爲不及。病在中。太過則解。飢。脊脈痛而少氣。不欲言。不及則心懸如病饑。眇中清。脊中痛。少腹滿。小便變。

眇音渺。季脇之下。後脊兩傍空。更處腎外。當眇故眇中清。

冷也。解者。熱不熱。寒不寒。壯不壯。弱不弱。即能息無力不欲食是也。脾脈者。土也。孤藏以灌四旁者也。善者不可得見。惡者可見。其來如水之流者。此謂太過。病在外。如鳥之喙者。此謂不及。病在中。太過則四肢不舉。不及則九竅不通。

張三錫曰。時脈者。謂春三月俱帶弦。夏三月俱帶洪。秋三月俱帶浮。冬三月俱帶沉。藏脈平。胃脈又應四時。乃無病者也。反此病矣。太過病在外。是外感邪氣也。不及病在中。是內傷正氣也。

張路玉曰。春脈弦。見於人迎。肝氣自旺也。設反見

於氣口又爲土敗木賊之兆。或左右關雖弦而小弱不振。是土衰木萎。法當培土榮木。設用伐肝之劑。則脾土愈困矣。或肝病證劇。六部絕無弦脉。是脉不應病。亦不可治。舉此以爲諸脉之例。不獨肝藏爲然也。夏脉鈞。見於左寸。包絡之火自旺也。或并見於右寸。火乘金位也。脾脉緩。諸部皆緩。而關部獨盛。中宮濕熱也。諸部皆緩。寸口獨滑。鬲上有痰也。諸部皆緩。兩尺獨顯弦狀。豈非肝腎虛寒。不能生土之候乎。肺脉毛。昔人以浮滑而短爲平脉。意謂多氣少血。脉不能滑。不知獨受營血之先營。

行脉中之第一關隘。若肺不傷燥。必無短濇之理。卽感秋燥之氣。亦肺病耳。非肺氣之本燥也。若諸部皆毛。寸口獨不毛者。陽虛濁陰用事。兼挾痰氣於上也。諸部不毛。氣口獨毛者。胃虛不能納食。及爲泄瀉之徵也。腎脉石。若諸脉不石。左寸獨石者。水氣凌心之象。右關獨石者。沉寒傷胃之象也。

脈逆四時

此卽尅賊脉也

主機真藏論曰。脉從四時謂之可治。脉逆四時爲不可治。所謂逆四時者。春得肺脉。夏得腎脉。秋得心脉。冬得脾脉。其至皆懸絕沉濇者。名曰逆四時也。

未有藏形於春夏而脉沉濇秋冬而脉浮大者曰

逆四時也。

王註未有謂未有藏脉之形狀也。

春脉弦得洪脉至夏死得濇脉至秋死得石脉至冬死以真藏之氣先泄也。

丹源子曰然必曰懸絕沉濇者正見此等脉與常脉迥別故不懸絕者不可遽云死也。且其死亦有期按仲景云二月得毛脉至秋當死是必待所勝者旺而後死也。又按平人氣象論所云春胃而有毛曰秋病毛甚曰今病等云。是又以春與秋互對夏與冬互對與此稍不同而皆不曰死亦謂其

不懸絕也。學者再取其病証參之。益了然矣。大抵
春夏忌沉瀦。秋冬忌浮大。此其要耳。

五藏平病死脉

平人氣象論

平心脉來累累如連珠如循琅玕曰心平。

琅玕音郎玉之有

光似珠者言盛滿滑利也

夏以胃氣為本。

病心脉來喘喘連

屬。相仍其中微曲曰心病。

死心脉來前曲後居。

輕取堅強不柔重取牢實不動

如操帶鉤曰心死。

平肺脉來厭厭聶聶。

衆苗齊秀之貌

如落榆莢曰肺平。

浮薄而輕

虛秋以胃氣為本。

病肺脉來不上不下。

往來如清滯如

循雞羽曰肺病。

死肺脉來如物之浮。

無根如風

吹毛

散亂曰肺死

平肝脉來更弱招招

猶遲也如揭長竿末稍曰肝平

必稍

柔更即和緩

春以胃氣為本

病肝脉來盈實而

滑如循長竿曰肝病

堅勁無稍之和緩

死肝脉來急益

勁如新張弓弦曰肝死

平脾脉來和柔相離如雞踐地曰脾平長夏以胃氣

為本病脾脉來實而盈數如雞舉足曰脾病

輕疾

不緩死脾脉來銳堅如鳥之喙如鳥之距如屋之

漏如水之流曰脾死

後二句言點滴無倫去而不返也

平腎脉來喘喘累累如鉤按之而堅曰腎平冬以胃

氣爲本。病腎脉來如引葛。堅搏按之益堅曰腎病。死腎脉來發如奪索。音辟辟如彈石曰腎死。按十五難所載平病死脉與本經各有異同。學者當以本經爲正。

脉有溢覆關格。此陰陽相乘之脉

三難曰關之前陽之動也。脉當九分而浮過者。法曰太過減者。法曰不及。遂上魚爲溢。爲外關內格。此陰乘之脉也。關以後陰之動也。脉當一寸而沉過者。法曰太過減者。法曰不及。遂入尺爲覆。爲內關外格。此陽乘之脉也。故曰覆溢是其真藏之脉。人

不病而死也

龐安常曰寸倍尺爲溢脉一名外關關以上外脉也陰拒陽而出名曰內格自關以上溢於魚際而關以後脉伏行陰壯乘陽而陽竭則死是寸口四倍於人迎尺倍寸爲覆脉一名內關關以下內脉也陽拒陰而入名外格自關以下覆入尺澤而關以前脉伏行陽亢乘陰而陰竭亦死是人迎四倍於寸口

脉有伏匿

二十難曰陰陽更相乘更相伏也脉居陰部而反陽

脉見者爲陽乘陰也。脉雖時沉瀄而短。此謂陽中伏陰也。脉居陽部而反陰。脉見者爲陰乘陽也。脉雖時浮滑而長。此謂陰中伏陽也。

張註云。人部而見陽脉。乃陽乘於陰。陽脉之中。雖時沉瀄而短。此乃陽中伏陰。寸部而見陰脉。乃陰乘於陽也。陰脉之中。雖時浮滑而長。此乃陰中伏陽也。

稟賦脉

六陽脉六部健旺。六陰脉六部如絲。

仁齋曰。陽脉雖病。寒常浮洪。陰脉雖病。熱常微細。

錢君穎曰。稟陽藏者便燥能飲冷。惡辛辣。不受補劑。畏熱喜涼。稟陰藏者便溼喜飲熱。飲冷卽瀉。喜辛辣。畏冷。肥人脈沉。瘦人脈浮。

張三錫曰。人肥白脈多沉弱而濡。或滑以形盛氣虛。多濕痰故耳。人黑瘦脈多數疾或弦以陰水不足。火常盛故耳。

滑伯仁曰。男子尺脈常弱。女子尺脈常盛。

朱丹溪曰。男子寸盛而尺弱。女子尺盛而寸弱。

男子以陽爲主。女子以陰爲主也。

吳鶴臯曰。神氣克實。一手或兩手脈上魚際必壽。

素無此脈。一旦見者。陰乘陽也。爲逆氣喘息。

反關脈

內經曰。脾脈外鼓。沉爲腸澼。久自已。胃脈外鼓。大爲
鬲偏枯。

王啟玄註云。外鼓。謂不當尺寸而鼓。擊於臂外。

鄒丹源曰。此卽反關脈。謂其不行於關上而見於
關外。故曰反關也。其部位取法。亦與正同。然有兩
手俱反者。有只一手反者。內經此節。特脾胃一部
之主法。若心肺肝腎。亦可以三陽反矣。然源其所
自。亦不外乎肺朝百脈之義。但其所致。必有所由。

或賦形之初偶有感變而致脉道易位者此先天之變也。或形生之後因驚撲因病藥而脉道外走者此後天之失也。

附記 孫光診開寶寺僧左手無脉乃轉左臂上得之而息至如常孫曰意是少年時曾有驚撲震動心神故脉道外移則不能復今氣血已定自不復歸非有病也僧曰然某襁褓時兩受撲皆幾死今宜脉之失道非有疾也聞公神於醫聊試耳。

反診脉

脉經曰寸口脉沉着骨反仰其手乃得之此腎脉也。動苦少腹痛腰體痠頭疾刺腎俞入七分又刺陰維入五分。

慎菴按此乃反診之脈非反關也。反仰其手問脈。醫者之手非仰病人之手也。古人診病必仰病人之手而診。醫者覆其手以候。惟反診異是。覆其病人之手。醫者乃仰手而取。則得其脈矣。此外惟南北二政之歲。三陰司天在泉。尺寸有不應者。反其診則見矣。不應者。脈極沉不應診也。覆病人手診之。則脈見。非無脈也。捨此之外。無覆手之診。南北政不應之診。附見于後。

南北政司天在泉不應之診

彙辨云。南北二政。其面不同。司天在泉。移位相從。甲己之歲。是爲南政。三陰司天。則寸不應。三陰在泉。則尺不應。乙庚寅辛丑壬戌癸卯。八歲者。皆曰北政。三陰司天。則尺不應。三陰在泉。則寸不應。南政之歲。厥陰司天。則右不應。太陰司天。則左不應。北

政之歲。厥陰在臬。則右不應。太陰在臬。則左不應。不應之位。皆少陰也。諸部不應。反診較之。不應之脉。皆在兩寸。兩尺一爲手少陰心經。一爲足少陰腎經也。凡南政之應在寸者。則北政應在尺。北政之應在寸者。則南政應在尺。值此不應之脉。乃歲運合宜。命曰天和之脉。不必求治。若悞治之。反伐天和矣。

不應有尺寸反左右交

天當不應。而反浮大。寸當浮大。而反沉細。寸當不應。而反浮大。尺當浮大。而反沉細。是爲尺寸反者死。

右當不應而反浮大。左當浮大。而反沉細。左當不應而反浮大。右當浮大。而反沉細。是謂左右交者死。

外感辨風寒風熱憑症略脉說

張路玉曰。肥人肌肉豐厚。胃氣沉潛。縱受風寒。未得卽見表脉。但須辨證。設鼻塞聲重。涕唾稠粘。風寒所傷也。若鼻塞聲重。而屢欬痰不卽應。極力略之。乃得一線黏痰。甚則咽腫者。乃風熱也。以肥人肌氣充盛。風邪急切難入。因其內多濕痰。故傷熱最易。否則形盛氣虛。色白肉鬆。肌腠不實之故。不可以此膠執也。瘦人肌肉淺薄。胃氣外泄。卽發熱頭

痛脉浮數多屬於火。但以頭之時痛時止熱之忽重忽輕。又爲陰虛火擾之故也。惟發熱頭痛無間晝夜不分輕重。人迎浮盛者。方是外感之病。亦有表邪挾內火。雖發熱頭痛不分晝夜輕重而煩躁口渴臥寐不寧。皆邪火燦陰之候。惟宜辛涼發散。又當顧慮其陰。獨形瘦氣虛。顏白唇鮮。衛氣不固者。最易傷風。却無內火之患矣。

脉有五邪

虛實賊微邪是也

難經曰。從前來者爲實邪。從後來者爲虛邪。從所不勝來者爲賊邪。從所勝來者爲微邪。自病者爲正

邪

春肝木王其脉弦細而長名曰肝脉也反得浮滑而短者是肺之乘肝金之尅木爲賊邪大逆十死不治反得洪大而散者是心之乘肝子之扶母爲實邪雖病自愈反得沉濡而滑者是腎之乘肝母之歸子爲虛邪雖病易治反得大而緩者是脾之乘肝土之凌木爲微邪雖病卽瘥餘四藏俱依此而推不必重錄其文按我生是將來故在前而實生我是退氣故在後而虛尅我則爲賊我尅則爲微也

診新病久病脉法

內經曰脉小弱以瀯者謂之久病脉浮滑而疾者謂之新病

再以望診中合色脉一條亦究得詳矣

四診訣微卷之五

烏程林之翰憲伯父別字纂述

切診

病分新久易治難治不治

張路玉曰。盛啟東以新病死。生係右手開脈。有病死生。主左手開脈。蓋新病。氣猶存。胃脈自應和緩。即因邪鼓大。因虛減小。然須至數分明。按之有力。不至濁亂。冉齋語。言清爽。飲食知味。胃氣無傷。雖劇可治。如脈至濁亂。至數不分明。神昏語錯。病氣不安。此為神識無主。苟非大邪。腹脹豈宜見此乎。

新病而一時形脫者死。不語者亦死。口開眼合手
撒遺尿者俱不可治。新病雖各部脉脫中部獨存
者是爲胃氣治之必愈。久病而左關尺更緩按之
有神可上精血之未艾他部雖危治之可生。若尺
中弦緊急數按之搏指或細小脫絕者法在不治。
緩病久胃氣向裏又當求其尺脉爲先天之根氣
也。啟東又云診得浮脉要尺有力爲先天腎水可
恃發表無虞。診得沉脉要右關有力爲後天脾胃
可憑攻下無虞。與前說互相發明。又曰診客邪暴
病應指浮象可證若虛羸久病當以根氣爲本如

下指浮大。按久索然者。正氣大虛之象。無問暴病久病。雖證顯灼熱煩擾。皆正衰不能自持。虛陽發露於外也。下指濡軟。久按搏指裏病表和之象。非藏氣受傷。則堅積內伏。不可以脉沉誤認虛寒也。下指微弦。按久和緩者。久病向安之象。氣血雖殆。而藏氣未敗也。然多有證變多端。而脉漸小弱。指下微和。似有可愈之機者。此元氣與病氣俱脫。反無病象。發見乃脉不應病之候。非小則病退之兆。大抵病脉初下指雖見乏力。或弦細不和。按至十餘至漸和者。必能收功。若下指和按久微滿不

能應指或滿覺弦硬者必難取效設病雖牽纏而飲食漸進便溺自調又為胃氣漸復之兆經云安穀者昌漿粥入胃則虛者活此之謂也此與前案神氣條

春

脉無胃氣

經曰脉實以堅謂之益也又云人絕水穀則死脉無胃氣亦死所謂無胃氣者但得真臟脉不得胃氣也所謂脉不得胃氣者肝不弦腎不石也肝腎無石與真臟無胃氣等耳餘三藏亦然皆不治

無脉

久病無脈氣絕者死。暴病無脈氣鬱可治。傷寒痛風痰積經閉。憂驚折傷。胸痞吐利。氣逆不應。斯皆勿慮。

汪子良曰。傷寒頭痛發熱。一手或兩手無脈。此寒邪在表。不得發越之故。必邪汗也。當攻之。丹溪治一婦病。瘧食少。經不行已三月。診之無脈。亦虛治。覘其情。此言動如常。始悟經不行。非無血。痰所得也。脉無非氣血衰。乃積痰生熱。結伏其痰耳。當作實熱治。與三黃丸。旬日食進。脉出。帶微弦。謂胃氣全。不藥瘧自愈。而經自行。令淡滋味。果應有因經。

滯者。脉法所謂寸關如故。尺脉絕者。此月不利也。
一人喪妻。右手全無。後憂釋。脉出。若云憂傷肺也。
一人一手無脉。因詢知打傷所致。古人治一人吐
逆。二便不利。厥冷無脉。與大承氣二劑。大便通。脉
出。安。一疫病而赤舌白胎。小便數。大便秘。身如芒
刺。六脉俱無。此欲作斑之候。投升麻葛根湯。令生
脉。散一脹。斑出。六脉見而安。有內傷。右關弱甚。則
隱而不見者。有中寒而脉無者。慈熨并炙氣海。此
無脉而皆有可生之機。宜致思焉。

真菴按。凡大吐後有脉伏。二三日不出者。有大痛。

後氣血凝滯。脉道壅阻而不出者。吐止痛安而脉自出。不可因其脉無而遽斷爲死證也。

祟脉

仁齋曰。祟家面色黯慘。脉乍大乍小。乍有乍無。又云。祟家或邪視如淫。脉錯雜不倫。或刮駛暴至。或沉伏。或雙弦。或鈞啄。或衮運。或橫格。或促散。或尺部大於寸關。或關部大於尺寸。是皆染祟得之。刮駛鈞啄多見於脾。洪運衮衮多見於肝。橫格促散多見於心肺。大抵祟家心脉洪散。肝脉洪盛。尤可證焉。蓋心藏神。肝藏魂。心虛則驚惕昏迷。神不守。

舍而邪氣得以入其魂耳。

皇甫氏曰。初病便譫語。六部無脉。然切大指之下。寸口之上。却有動脉。謂之鬼脉。

李氏曰。脉息遲伏。或爲烏喙。或綿綿不知度數。而顏色不變。皆鬼邪爲病也。其狀不欲見人。如有對晤時。獨言笑。或向隅悲泣是也。

圖說曰。凡鬼祟附着之脉。兩手乍長乍短。乍密乍疎。乍沉乍浮。陽邪來見。脉則浮洪。陰邪來見。脉則沉緊。鬼疰客忤。三部皆滑洪大。嫋嫋沉沉。澤澤或沉而不至寸。或三部皆緊急。但與病症不相應者。

皆五尺鬼邪適尸尸疰之所爲也

呂滄州治女子之不月如娠者。曰面色乍赤乍白者。愧也。脉來乍大乍小者。祟也。非有異夢。則靈鬼所憑耳。與桃仁煎下。衄血如脉肝狀六七數。俱有。衾如魚而愈。

痰疰似祟脉

王隱君曰。病勢消燦殆盡。氣不能相續。脉動無常。因曰死證。其或痰凝氣滯。關格不通。則脉亦有不動者。有兩三路亂動。時有時無者。或尺寸一有一無者。或關脉絕不見者。有素稟痰氣不時而然者。有

僵仆暴中而然者皆非死脉也

慎菴按先哲云怪證之爲痰從怪字而推則痰證之類崇明矣况痰脉無常亦類崇脉因脉症之形似人多誤治而不覺丹溪云血氣者身之神也神既衰乏邪因而入理或有之若夫氣血既虧痰客中焦妨礙升降不得運用以致十二官俱失其職視聽言動皆有虛妄以邪治之焉能愈病以愚視之不但不能愈因而誤治致斃亦復不少就丹溪治金氏婦一案可知矣脉證旣已雷同下手從何辨識此等關頭神而明之存乎其人正難以語言

道也。

怪脉

彈石脉按舉劈劈然如指彈石。雀啄脉如雀啄食連
三五至忽止。良久復來。屋漏脉如殘漏。良久一滴。
蝦遊脉始則冉冉不動。沉時忽一浮。解索脉指下
散亂無次第。魚翔脉其脉本不動。而末強搖。金沸
脉如釜中水。火燃而沸。有出無入。

薛氏曰。雀啄諸脉。若因藥壯伐。漸致急投大補。多
有復生者。

真藏脉

王機真藏論曰真肝脉至中外急如循刀刃責責然

如按琴瑟弦

細急

色青白

金尅木也

不澤毛折

皮毛得血氣而

充毛折則精氣敗矣下門藏而死俱有此一句則真義同刪去

真心脉至堅而搏如循薏苡子累累然

恒實

色赤黑

不澤

水尅火也

真肺脉至大而虛如以毛羽中人膚

浮虛無

色白赤

不澤

火尅金也

真腎脉至搏而絕如指彈石辟辟然

沉而

色黑黃不

澤

土尅木也

真脾脉至弱而乍數乍疎

和緩之氣全無

色黃青不澤

木尅土也

急虛身中卒至。五藏絕閉。脉道不通。氣不往來。營
於隋溺。不可為期。其脉絕不來。若人一息五六至。
其形肉不脫。真藏雖不見。猶死也。

陰陽別論云。凡持真脉之藏脉者。肝至懸絕。急十八

日死。

懸絕急者。全失和平。而弦搏異常也。十八日為木。金成數之餘。金勝木而死也。

心

至懸絕。

九日死。為火。木生火。成數之餘。木勝火也。

肺至懸絕。十二

日死。

為金。火生金。成數之餘。火勝金也。

腎至懸絕。七日死。

為水土。土生金。成數之餘。土勝水也。

之餘。土

勝水也。脾至懸絕。四日死。

為木。木生火。成數之餘。木勝土也。凡此皆不勝尅

賊之氣。故真藏獨見者。氣敗而危矣。

平人氣象論曰。肝見庚辛死。心見壬癸死。脾見甲乙

死肺見丙丁死腎見戊己死是爲真藏見皆死此言
真藏脉見者遇
泄賊之日而死

陰陽絕脉

脉經云尺脉上不至關爲陰絕寸脉下不至關爲陽
絕陰絕而陽後死不治若計其餘命死生之期以
一月節尅之也

行屍內虛脉

仲景曰脉病人不病名曰行屍以無王氣卒眩仆不
識人則死人病脉不病名曰內虛以有正氣雖曰
無苦

脉證不相應從脉從證論

脉結伏者內無精聚。脉浮結者外無痼疾。有結聚者脉不結伏。有痼疾者脉不浮結。爲脉不應病。病不應脉。是爲死候。經六淫之邪初起脉宜洪大數實。若微小伏匿無力。是正氣虛而相反。輕病必重。重病必死。久病產後潰瘍宜微小遲緩。若洪數爲相反。中有胃氣橋可救。否則危。
三有捨症從脉。有捨脉從症。有從一分脉。二分證者。有從一分證。二分脉者。有清高貴人。兩手無脉者。有左小右大。右小左大者。概從症治。

方宜脉

吳鶴皋曰。中原之地。四時異氣。居民之脉。亦因時異。春弦夏洪。秋毛冬石。脉真時違。皆名曰痛。東夷之地。四時皆春。其氣暄和。民脉多緩。南夷之地。終年皆夏。其氣炎蒸。民脉多大。西夷之地。終年皆秋。其氣清肅。民脉多勁。北夷之地。終年皆冬。其氣凜冽。民脉多石。東南卑濕。其脉更緩。居於高巔。亦西北也。西北高燥。其脉剛勁。居於污澤。亦東南也。南人北脉。所稟必剛。北人南脉。所稟必柔。東南不同。亦可類割。海經曰。至高之地。冬氣常在。至下之地。

春氣常在。

脉分男女

難經曰。脉有逆順。男女有恒而反者。何謂也。然男子生於寅。寅爲木。陽也。女子生於申。申爲金。陰也。故男脉在關上。女脉在關下。是以男子尺脉恒弱。女子尺脉恒盛。是其常也。反者。男得女脉。女得男脉也。男得女脉爲不足。病在內。左得之。病在左右。得之。病在右。隨脉言之也。女得男脉爲太過。病在四肢。左得之。病在左。右得之。病在右。隨脉言之。此之謂也。

鄒丹源曰。按寅申之說。他書無。推越人之意。倘亦以男爲陽。爲火。而火生在寅。女爲陰。爲水。而水生。在申云耳。火炎上。故盛在關上。水流下。故盛在關下也。男得女脉者。謂尺盛而寸弱。此不足之切。醫人所知也。女得男脉者。謂寸盛而尺弱。此爲太過解者。紛紛。殊不知病在四肢。非病在外之說也。蓋男子血虛。則尺盛。女子氣鬱。則寸盛。男子血虛。則氣衰。女子氣鬱。則四肢煩熱而不舉也。其曰在左在右者。左則心肝腎之經。右則肺脾三焦之經也。又云。按診法。診男者先左。診女者先右。非

男女經脉有別也。從其陰陽以察其盛衰也。

脉以左右分陰陽氣血說

千金翼曰。凡婦人脉常欲濡弱於丈夫。男左大爲順。

女右大爲順。此以左右分陰陽也。

朱丹溪云。肺主氣。其脉居右寸。脾胃命門三焦各以氣爲變化運用。故皆附焉。心主血。其脉居左寸。肝膽腎膀胱皆精血之隧道。筦庫。故皆附焉。男以氣成胎。則氣爲之主。女以血成胎。則血爲之主。男子病右脉充於左者。有胃氣也。病雖重可治。女子病左脉充於右者。有胃氣也。病雖重可治。反此者虛。

之甚也

丹源子曰。千金以左右分陰陽。此指男女無病時言也。丹溪以左右分氣血。以男女病重後言也。然胃氣二字。兩手皆宜體察。診常難經爲正耳。

又按李挺云。老喜反。脉當細濡。清。註云。男年八入喜。尺旺。女年七七喜。寸旺。細濡清。多壽。弦洪緊。多病。推其意。以爲男老氣虛。細濡宜在寸。女老血虛。細濡宜在尺耳。然以爲多壽而喜之。恐亦不然。老人之脉。以和長爲吉。反之。一字終非正論。聊見於此。不另立條。

假陰假陽脉

至真要大論曰。脉至而從。按之不鼓。諸里皆然。諸陰之反者。脉至而從。按之鼓甚而盛也。逆取而得。治之法也。

王啟玄曰。病熱而脉數。按之不鼓動。乃寒甚格陽而致之。非熱也。形證是寒。按之而脉強鼓。舉於手下盛者。此爲熱甚拒陰而生病。非寒也。寒甚格陽。治熱以熱。熱甚拒陰。治寒以寒。外雖用逆中乃順也。此逆乃正順也。若寒格陽而治以寒。熱拒陰而治以熱。外則雖順中乃逆也。故方若順是逆也。

儲種山曰。凡病寒熱。當以遲數爲標。虛實爲本。且如熱症見數脈。按之不鼓而虛者。爲元氣不足。虛火遊行於外。此非真熱。乃假熱也。作不足治之。如診而實方爲真也。且如寒證見遲脈。診之鼓擊而實。爲邪火伏匿於中。亦非真寒。乃假寒也。當作有餘治之。如診而虛方是真寒。此語更明而且暢矣。此陰證似陽陽證似陰之脈。故曰假陰假陽脈也。

奇經八脈

彙辨云。奇經者。在十二經脈之外。無臟腑與之配。故曰奇。夫藏府之脈。寸關尺有定數。奇經中既有

定體強鈎毛石有定形此則另爲一脈形狀固異而隧道亦殊病證不同而診治自別。

李時珍云八脉不拘制於十二經正經之脉盛則溢於奇經故素越人比之天雨降下溝渠溢滿露沛妄行流于河澤陽維主一身之表陰維主一身之裏以乾坤言也陽蹻主一身左右之陽陰蹻主一身左右之陰以東西言也督主身後之陽任衝主身前之陰以南北言也帶脉橫束諸脉以六合言也。

經論督脉 尺寸中央三部俱浮直上直下。

經脈

張潔古曰。督者都也。爲陽脈之都綱。○內經

曰。督脈起于下極之腧。並於脊裏。上至風府。入腦

上顛。循額。至鼻柱。越于上齒縫中。齒交穴。

主病

爲外感風寒之邪。王叔和爲腰脊強痛。不得伸。

仰。大人癰痛。小兒風癰。○內經謂實則脊強反折。

虛則頭痛。○寸關尺三部皆浮。且而直下者。爲

弦長之象。故主外邪。

經論任脈

寸口脈繁細實長至關。又寸口澀丸

丸。

經脈

任者妊也。爲陰脈之海也。○內經謂任脈起

于中極之下。循腹裏由關元上咽至承漿下新交。
極目下承泣穴爲陰脉之都綱也。

主病 男子內結七疝。女子帶下。瘕聚。王叔和爲少
腹繞臍下引陰中痛。又曰。若腹中有氣。如指上搶
心。不得俛仰。拘急。又緊細實長者。中寒而氣結也。
○寸口丸丸。卽動脉也。狀如豆粒。厥厥動搖。故主
氣上冲心也。

經論衛脉 尺寸中央俱牢。直上直下。
牢脉似沉似
伏實大而長
從強乃三部之脉皆沉有
力直上直下與實之象也

經脉 衛脉起於氣街。
在少腹毛中
兩旁各二寸 挾臍左右上行。

至胸中而散爲十二經之根本故稱經脉之海亦稱血海。

主病 靈樞曰衝脉血盛則滲灌皮膚生毫毛女子數脫血不榮其口唇故髭鬚不生宦者去其宗筋傷其衝脉故鬚亦不生○越人曰衝脉爲病逆氣而裏急○東垣曰凡逆氣上冲或兼裏急或作躁熱皆衝脉逆也宜補中益氣湯加知藥○王叔和曰衝脉用事則十二經不復朝于寸口其人若恍惚狂癡○衝脉與腎脉無異但腎脉浮而衝脉沉耳。

經論陽蹻脉 寸部左右彈

經脉 陽蹻脉起于足跟上。上外踝。循脇上肩。夾口

吻至目。極于耳後風池穴。

主病 越人曰。陽蹻爲病。陰緩而陽急。○王叔和註

曰。當從外踝以上急。內踝以上緩。又曰。寸口脉前

部左右彈者。陽蹻也。苦腰背痛。癰癩僵仆。惡風偏

枯。瘧痺體強。○左右彈。卽緊脉之象。

經論陰蹻脉 尺部左右彈

經脉 陰蹻脉起于足跟上。內踝。循陰上胸。至咽。極

于目內眦睛明穴。

主病 越人曰陰踦爲病陽緩而陰急叔和註曰當從內踝以上急外踝以上緩又曰寸口脉後部左右彈者陰踦也苦癰癩寒熱皮膚淫痺少腹痛裏急腰及髓窮下連陰痛男子陰疝女子漏下○張潔古云踦者捷疾也二踦之脉起于足使人踦疾也陽踦在肌肉之上陽脉所行通貫六府主持諸表陰踦在肌肉之下陰脉所行通貫五藏主持諸裏

經論帶脉

關脉左右彈

經脈

帶脉起于季脇周圍一周如束帶然

主病

越人曰。帶之為病。腹滿。腰溶溶如坐水中。

緩縱之貌

○明堂曰。女人少腹痛。寒急。熱。月事不調。

赤白帶下。

○楊氏曰。帶脈總束諸脈。使不妄行。如

人束帶而前垂。此脈若固。即無帶下漏經之症矣。

經論陰維脈

尺外斜上至水

斜上者不由正位而斜向大指名曰尺

外斜小指名曰尺內

叔和曰。寸口脈從少陽斜至厥陰。是陰維脈也。

經

陰維起于諸陰之交。發于內踝上五寸。循腹

人小腹。循脇上胸。至頂前而終。

主病

叔和曰。動苦癰癩。僵仆羊鳴。又苦僵仆夫音。

肌內痺癢。應時自發。汗出惡風。身洗洗然也。取陽
白。金門。僕參。又曰。陰維脉沉大而實者。主胸中痛。
脇下支滿。心痛。脉如貫珠者。男子兩脇下實。腰中
痛。女子陰中痛。如有瘡狀。金門僕參是太陽經穴。陽白是少陽經穴。

經論陽維脉 尺內斜上至寸

叔和曰。寸口脉從少陰斜至太陽。是陽維脉也。

或言從右手手少陽三焦斜至寸上手厥陰心包
之位。為陰維。從左手足少腎斜至寸上手太陽小
腸之位。為
陽維也。

經脉 陽維脉起于諸陽之會。發于足外踝下一寸

五分。循膝上髀厭抵少腹。循頸入耳至本神而止。

主病。叔和曰。動苦肌肉痺癢。皮膚痛下部不仁。汗
出而寒。又苦顛仆羊鳴。手足相引。甚者失音不能
言。宜取客主人。○潔古云。衛爲陽。主表。陽維受邪。
爲病在表。故苦寒熱。營爲陰。主裏。陰維受邪。爲病
在裏。故苦心痛。陰陽相維。則營衛和諧。榮衛不諧。
則悵然失志。不能自收持矣。

內經脈決死期

素問大奇論。脈至浮合。浮合如數。一息十至以上。是
經氣予不足也。微見九十日死。浮合者。如浮浪之
合。後以催前。數數
而來。一息之間。遂有十至以上之脈。是十二經脈
之氣。五藏之精氣。皆衰奪極盡。微見。初見也。始見

此脉其死僅在九日與十日之間耳蓋肺主元氣其成數在九脾主五藏其成數在十也子與同

脉至如火薪然是心精之子奪也草乾而死脉來如

然乃洪大無根無神之脉是邪氣熱極心精被奪夏為火今猶尚未絕至秋盡冬初草乾之候寒水

今行心火受尅而死

脉至如散葉是肝氣子虛也木葉落而死散葉者飄

狀肝木大虛木遇金而負遇秋而凋故深秋而死也

脉至如省客省客者脉寒而鼓是腎氣子不足也懸

去虛華而死馬玄臺曰省客者暫去暫來也止以

腎氣全衰木源虧極鼓不常鼓而閉來自如也東

華之候木衰火旺木安勝之故曰懸去素華而死天子以禁中為省中寒者沉而不判也鼓者搏而

有力也。伏藏于內而鼓搏正如橐籥客而不見。猶
呂于內而恣肆也。故曰如省客也。是腎氣不寧之
故也。橐華去則當長夏也。土旺水敗腎
虛者不能支也。二者之論從李氏為安。

脉至如丸泥是胃精予不足也。榆莢落而死。九形圓

輕脉來如珠轉動浮瀄而無根則中和胃氣已奪
至秋冬之交而榆莢落之候乃木令方張來侮
胃衰之士而死矣。

脉至如橫格是膽氣予不足也。禾熟而死。橫格者如

在指下且長且堅。其藏脉見禾熟
秋深金令肆行木被剋敗而死矣。

脉至如弦縷是胞精予不足也。病善言下霜而死。不

言可治。弦縷者如弓弦之急如縷之細也。胞者心

自持則多言不休也。夫脉急細則反其洪大之常
善言則喪其神明之守。方霜下而木令司權火當

絕矣

脉至如交漆。交漆者。左右旁至也。微見三十日死。

交漆

者以漆絞去其渣也。脉來如絞漆之狀。是左右旁至。有降無升。有出無入。大小不勻。前盛後虛也。藏府衰。陰陽乖亂。初見此脉。必期其三十日而死。蓋月魄之生死。以三十日為盈虛故也。

脉至如湧泉。浮鼓肌中。太陽氣予不足也。少氣味韭

英而死。湧泉者。有升無降。有出無入。勢甚湧。莫能遏禦也。脉來浮鼓於肌肉之上。而乖違

其就下之常。膀胱衰竭。陰精不能上奉。故少氣耳。非英初發。木令當權。則木官謝事矣。故死。

脉至如頰土之狀。按之不得。是肌氣予不足也。五色

先見黑白壘發而死。頰土者。頰敗之土也。虛而無根。按之全無也。肌氣即脾胃氣

脾主肌肉也。黑為水色。土虛而水無所畏。反來乘之也。即黃即蓬蒿也。蓋有多種。而白者發上春

當木旺之時土
安得而不敗乎

脉至如懸雍。懸雍者。浮揣切之益大。是十二俞之予

不足也。水凝而死。

懸雍者乃喉間下垂之肉音聲之機也。脉來如懸雍浮揣切之

益大即知重按之必空矣。是孤陽亢極之象也。十二俞在背即五藏六府十二經之所繫也。水凝為

冰乃陰盛之候而孤陽安有不絕乎。

脉至如偃刀。偃刀者。浮之小急。按之堅大急。五藏苑

熱寒熱獨并於腎也。其人不得坐。立春而死。浮之小急

如刀口也。按之堅大且急如刀背也。苑者積結也。五藏精氣而結熱故發寒熱也。陽王則陰消故獨

并於腎也。腰者腎之府。腎虛則不能起坐。迨立春

陽氣用事陰日衰而死矣。馬玄臺謂此脉當見于尺部。吳鶴皋謂不得坐腎肉消也。

脉至如丸滑不直手。不直手者。按之不可得也。是大

腸氣予不足也。棗葉生而死。脉至如丸之滑其實

以平無形也大腸庚金之精氣已敗而將

脉至如華者。令人善恐。不欲坐卧。行立常聽。是小腸

氣予不足也。季秋而死。華者草木之花也在枝葉

神也小腸之氣通于心經小腸不足故心痛善恐

不欲坐卧者心神怏而不寧也行立常聽者恐懼

仲景脉法

寸口衛氣盛名曰高。高者位自尺內上溢於寸。指下涌

出下焦行胃上口。至手太榮氣盛名曰章。章者自

隆故寸口盛滿。因名曰高

證於關。應指通通。既動且。而按之益堅。以掌出
中焦亦並胃口而出上焦。故寸關實滿。因曰日氣
高章相搏。名曰綱。綱者。高章兼該之象。故為相搏
綱字。衛氣弱。名曰牒。牒者。十口微澀而按之軟弱
衛氣主表。表虛不能勝邪。故有以乎心中榮氣弱
採揚之狀。因以牒字喻之。牒音牒。思懼貌。榮氣弱
名曰卑。卑者。諸脈皆不應。指常沉澁之形。而按
則陽氣不振。故脈不顯。有似妾婦。牒卑相搏。名曰
之甲。腎不能自主。故以卑字譬之。牒卑相搏。名曰
損邪。正俱殆。脈轉衰微。直以損字呼之。則
張璐曰。綱者。諸邪有餘之綱領。損者。諸虛漸積之
損傷。高章卑牒四字。疊點營衛之盛衰。雖六者並
在。綱損二脈也。

仲景辨脈體狀

脉藹藹如車蓋者。名曰陽結也。藹藹如車蓋者。大而

鬱結於外。不與陰氣和雜也。字泰。脉藹藹如循長

竿者。名曰陰結也。也。為陰氣鬱結於內。不與陽氣

和雜也。字泰。長竿者。弦脉瞥瞥如羹上肥者。陽氣

微也。輕浮而主脉紫紫如蜘蛛絲者。陽氣衰也。紫

滯也。若紫紫意。意之不利也。如蜘蛛絲者。至細也。

微為陽微。微細為陽衰。內經曰。細則氣少。故以至細

為陽衰。字泰。紫紫收脉綿綿如瀉漆之絕者。亡其

血也。脉綿綿。連綿而軟也。瀉漆之絕者。前大後小也。

殘賊脉

師曰。脉有弦緊浮滑沉澁。此六脉名曰殘賊。能為諸

脉作病也。

程郊倩曰。殘賊。乃暴虛之名。脉中有此。當屬實邪。然亦有錯。殘則明傷。作病於暴。屬實者多。賊則暗傷。發作病於漸。屬虛者半。弦緊浮滑沉澁六者。不論何部。脉中兼見此脉。輒防邪至。凡傷寒惡病之類。種種皆是。在虛入尤為可慮。

厥脉

張仲景曰。傷寒脉。陰陽俱緊。惡寒發熱。則脉欲厥。厥者。脉初大。漸漸小。更來漸漸大。是其候也。如此脉。惡寒甚者。翕翕汗出。喉中痛。熱多者。目赤。脉多。睛不慧。腎復發之。咽中則傷。若復下之。則兩目閉。寒

多者便清穀熟者便膿血若薰之則身發黃若熨之則咽燥若小便利者可救之小便難者爲危殆成無已曰此太陽少陰俱感邪也

此節脉書多不見收豈其不當有耶附此以俟講究

損至脉法

十四難經曰脉有損至何謂也然至之脉一呼再至曰平三至曰離經四至曰奪精五至曰死六至曰命絕此至之脉也何謂損一呼一至曰離經二呼一至曰奪精三呼一至曰死四呼一至曰命絕此損之脉也至脉從下上損脉從上下也損脉之爲

病一損損於皮毛。皮聚而毛落。二損損於血脈。血脈虛少。不能榮於五藏六府。三損損於肌肉。肌肉消瘦。飲食不爲肌膚。四損損於筋。筋緩不能自收持。五損損於骨。骨痿不能起於床。反此者。至脈之病也。從上下者。骨痿不能起於床者。死。從上下者。皮聚而毛落者。死。○治損之法。奈何。曰。損其肺者。益其氣。損其心者。調其榮衛。損其脾者。調其飲食。損其肝者。緩其中。損其腎者。益其精。此治損之法也。

馬氏曰。損脈之病。自肺而之腎。至脈之病。自腎而之。

肺也。又曰。言治損之法。而治至之法可推。

鄒丹源曰。損至之脉。卽遲數之甚者也。難經此節。既
詳明矣。乃其後。又有傷熱中霧露之說。而且極之
五至六至。而且曰。一呼五至。一吸五至。其人當困。
雖困可治。滑伯仁釋之云。前之損至。以五藏自病。
得之於內者言。後之損至。以經絡血氣爲邪所中。
自外得之者言。然均一損至也。豈內傷則五至曰
死。而外感則五至可治乎。此必後人竄入之言。夫
一呼四至。合之一吸。加之太息。且九至矣。外感雖
多數。寧有踰此者。五至曰死。猶寬言之也。考之內

曰人一呼脉四動已上曰死脉絕不至曰死乍疏乍數曰死内經又有大損中損下損蓋以人形之長短合脉之長短言又言春得脾肺之脉秋得肝心之脉為損其言至有魂至魄至神至志至意至又以病形言矣

[illegible]

婦人妊娠診分男女脉法

陰陽別論篇曰。陰搏陽別。謂之有子。

王敬玄注曰。陰。謂尺中也。搏。謂搏關于手也。尺。脈在肘上。與寸脈別。陽。氣從然則為有妊之兆。陳自明曰。尺方曰。尺者。近也。謂陰脉通近於下。陽脉別出于寸。陽中見陽。乃陽施淫化。法當有子。戴同父則誤謂寸尺數也。

脉指南曰。脉動入產門者。有胎也。謂脉出尺外名曰產門。又曰。尺中脉數而壯者。胎也。為血盛也。王宏翰曰。細釋內註。并諸家之論。謂陰搏陽別。則尺脈搏于寸。而寸脈有力。而寸脉來微。有別異于尺別是寸脉來微。脉別與尺脉之滑數是有子之象也。而陳自明之論。陽中見陽。則尺寸數與內經之言有異矣。但孕子之脉。原有寸關尺俱數之脉。而此節之短文。乃寸微尺數之旨也。平人氣象篇曰。少陰脉動甚者。女子也。

全元起註

作足少陰

王啟玄註。作手少陰動脈者。太如豆。

厥脈動也。脈陰陽相薄。名曰動也。

王叔和脈經曰。心主血脈。腎名胞門子戶。又

中腎脈也。尺中之脈。按之不絕。法妊娠也。

王宏翰曰。按全元起王冰二家之註。各執一見而

叔和合而論。細釋其義。但手少陰心也。心主血

脈。是少陰腎也。腎主藏精。精血調和。交會。孕子之

徵也。言心腎二部之脈動甚。或一部之脈動甚者。

皆婦人懷

娠之象也。

腹中篇曰。何以知懷子之且生也。岐伯曰。身有病而

無邪脈也。

按身有病者。謂經閉也。夫脈來而斷絕者。經閉。月

水不利也。今病經閉而脈來如常。有神不絕絕者。

是妊

脈也。

脉經曰。三部脉浮沉正等。按之無絕者。有娠也。妊娠
初時。寸微小。呼吸五至。三月而尺數也。脉滑疾重。
以手按之散者。胎已三月也。脉重手按之不散。但
疾不滑者。五月也。

王玄翰曰。按脉浮沉正等者。即仲景所謂寸關尺
三處之脉大小浮沉遲數同等也。仲景以同等。謂
陰陽平和之脉。病雖劇當愈。此大概論病人之脉。
也。叔和謂婦人之脉。三部浮沉正等。又按之無
有。謂陰陽和洽。有娠之兆也。

又曰。妊娠四月。欲知男女法。左疾爲男。右疾爲女。俱
疾爲生二子。

又曰。得太陰脉爲男。太陽脉爲女。太陰脉沉。太陽脉

浮。

又曰。左手沉實爲男。右手浮大爲女。左右手俱沉實。

猥生二男。左右手俱浮大。猥生二女。

戴同父曰。脉經雖曰太陰脉沉爲男。太陽脉浮爲女。亦不明言以何部爲太陰。太陰不若後條浮大爲女。沉實爲男之明白也。

脉經曰。尺脉左偏大爲男。右偏大爲女。左右俱大產

二子。大者如實狀。

又曰。左右尺俱浮。爲產二男。不爾。則女作男生。左右

尺俱沉。爲產二女。不爾。則男作女生也。

戴同父曰。前云右浮大爲女。左沉實爲男。是獨以左右脉各異立言。今左右俱浮爲二男。俱沉爲二

是並左右兩尺脈一同。以其于諸陽男諸陰女。或位皆陽也。左沉實。右疾。左偏大。與俱浮。或以脈大與俱沉。或以脈或以位皆陰也。脈經曰。遺娠婦而南行呼之左迴首者。是男。右迴首者。是女也。

又曰。看上周時。夫從後急呼之。左迴首是男。右迴首是女也。

妻全善曰。按朱丹溪言。男受胎在左子宮。女受胎在右子宮。斯言大契。是說也。蓋男胎在左。則左重。故迴首時。傾頭重處而就左也。女胎在右。則右重。故迴首時。傾頭重處而就右也。推之于脈。其義亦然。胎在左。則血氣重處而盛于左。故脈亦從之而左。胎為男。左大為男也。胎在右。則血氣重處而盛于右。故脈亦從之而右。疾為女。右大為女也。亦猶經云。陰搏陽別。謂之有子。言受胎處在臍腹之下。

則血氣盛胎而盛于下。被陰之火脈鼓搏有力。而與陽之寸脈殊別也。又如癰疽發上則血氣從上而寸脈盛發下則血氣從下而尺脈盛發左則血氣從左而左脈盛發右則血氣從右而右脈盛也。丹溪以左大順男右大順女以醫人之左右手言蓋智者之一失也。

脉經曰婦人妊娠其夫左乳房有核是男右乳房有核是女也。

宏翰按此言妻字而夫乳有核其言似謬恐行文太多一夫字但女孕則女乳有核其理可通學者宜審之。

脉經曰婦人懷妊離經其脈浮設腹痛引腰脊為今欲生也。但離經者不病也。

又婦人欲生其脉離經夜半覺日中則生也。離經者

脈之

王子亨云。妊娠其脈三部俱滑大而疾。在左則男。在右則女。

脈指右曰關。上一動一止者一月。二動二止者二月。餘倣此。

脈訣刊誤云。滑疾按微胎三月。但疾不散五月。母若懷胎五月。是以數足胎成就而結聚。必母體壯熱。當見脈息躁亂。非病苦之症。乃五月胎已成。受火精。故身熱脈亂。原無他病也。

女腹如箕。男腹如釜。飲產之脈散而離經。新產之脈

虛緩為吉。實大弦牢。其凶可明。

辨男女陰陽算法訣

娠婦男女預知生陰陽算法最分明。男係單歲雙月。受雙歲單月亦男形。若在單歲單月受。雙歲雙月。女胎成。依此產來多吉壽。若還反此命難存。

如娠婦二十一歲在二四六等月受胎者。必男在。正三五等月受者。必女。約應男而產。如應女而產。男者。後皆不吉。或壽夭也。